



খালেদা জিয়ার শারীরিক অবস্থায় ইতিবাচক অগ্রগতি: ডা. জাহিদ হোসেন



সংগৃহীত ছবি

সাবেক প্রধানমন্ত্রী ও বিএনপি চেয়ারপারসন খালেদা জিয়ার শারীরিক অবস্থার উন্নতি হয়েছে। চিকিৎসাধীন অবস্থায় তিনি সাম্প্রতিক একটি চিকিৎসা প্রক্রিয়া সফলভাবে সম্পন্ন করেছেন বলে জানিয়েছেন দলের স্থায়ী কমিটির সদস্য ডা. এ জেড এম জাহিদ হোসেন। বর্তমান অবস্থা স্থিতিশীল থাকলে ধীরে ধীরে সুস্থতার দিকে অগ্রসর হবেন বলে আশাবাদ প্রকাশ করা হয়েছে।

গুত্রবার বিকেলে রাজধানীর এভারকেয়ার হাসপাতালের সামনে আয়োজিত এক প্রেস ব্রিফিংয়ে ডা. এ জেড এম জাহিদ হোসেন খালেদা জিয়ার সর্বশেষ শারীরিক অবস্থা সম্পর্কে সাংবাদিকদের অবহিত করেন। তিনি বলেন, গত কয়েকদিনের তুলনায় বর্তমানে খালেদা জিয়ার শারীরিক অবস্থা কিছুটা ভালো। চিকিৎসকদের তত্ত্বাবধানে আজ তাকে একটি গুরুত্বপূর্ণ চিকিৎসা প্রক্রিয়ার মধ্য দিয়ে যেতে হয়েছে, যা তিনি সহনশীলতার সঙ্গে গ্রহণ করতে পেরেছেন।

ডা. জাহিদ হোসেন আরও জানান, এই উন্নতির ধারা অব্যাহত থাকলে ধাপে ধাপে তার সুস্থ হয়ে ওঠার সম্ভাবনা রয়েছে। তবে চিকিৎসকরা এখনো সতর্ক অবস্থানে থেকে তাকে পর্যবেক্ষণে রেখেছেন।

এ সময় তিনি জানান, বিএনপির ভারপ্রাপ্ত চেয়ারম্যান তারেক রহমান, তার স্ত্রী ডা. জুবাইদা রহমান এবং পরিবারের অন্যান্য সদস্যরা সার্বক্ষণিকভাবে খালেদা জিয়ার চিকিৎসার খোঁজখবর রাখছেন। পরিবারের পাশাপাশি দলীয় নেতারাও তার সুস্থতার বিষয়ে নিয়মিত আপডেট নিচ্ছেন।

শেষে ডা. জাহিদ হোসেন দেশবাসীর কাছে খালেদা জিয়ার দ্রুত আরোগ্য কামনায় দোয়া চেয়ে বক্তব্য শেষ করেন।